



Անկախ աուդիտորի եզրակացություն

«Արբրեն» ՍՊԸ միակ մասնակցին

Մենք աուդիտի ենք ենթարկել «Արբրեն» ՍՊԸ-ի (այսուհետ՝ Ընկերություն) 2020թ. դեկտեմբերի 31-ին ավարտվող տարվա կից ներկայացվող ֆինանսական հաշվետվությունները, որոնք ներառում են՝ առ 31 դեկտեմբերի 2020թ. ֆինանսական վիճակի մասին հաշվետվությունը, այդ ամսաթվին ավարտվող տարվա համապարփակ ֆինանսական արդյունքների մասին հաշվետվությունը, սեփական կապիտալում փոփոխությունների մասին հաշվետվությունը, դրամական միջոցների հոսքերի մասին հաշվետվությունը և ֆինանսական հաշվետվություններին կից ծանոթագրությունները՝ ներառյալ հաշվապահական հաշվառման քաղաքականության հիմնական դրույթների ամփոփագիրը:

Վերապահումով կարծիք

Մեր կարծիքով, բացառությամբ այս եզրակացության «Վերապահումով կարծիքի հիմք» բաժնում նկարագրված հարցերի հնարավոր ազդեցության, ֆինանսական հաշվետվությունները, բոլոր էական առումներով, ճշմարիտ են ներկայացնում «Արբրեն» ՍՊԸ-ի առ 31 դեկտեմբերի 2020թ. ֆինանսական վիճակը և այդ ամսաթվին ավարտվող տարվա գործունեության արդյունքներն ու դրամական միջոցների հոսքերը՝ Փոքր և միջին կազմակերպությունների ֆինանսական հաշվետվությունների միջազգային ստանդարտին (ՓՄԿ ՖՀՄՍ) համապատասխան:

Վերապահումով կարծիքի հիմք

Մենք հանձն ենք առել իրականացնելու Ընկերության 2020 թ. դեկտեմբերի 31-ին ավարտված տարվա ֆինանսական հաշվետվությունների աուդիտն 2021 թ. ապրիլի վերջին, ուստի հնարավորություն չենք ունեցել հետևելու պաշարների գույքագրման գործընթացին տարվա սկզբում և վերջում: Հաշվի առնելով, որ 2019 թ. դեկտեմբերի 31-ին ավարտված տարվա ֆինանսական հաշվետվություններն աուդիտի ենթարկված չեն և այդ ամսաթվից արդեն անցել էր զգալի ժամանակահատված, մենք անկարող էինք իրականացնել այլընտրանքային ընթացակարգեր, որպեսզի մենք ինքներս համոզվեինք պաշարների առկայության վերաբերյալ 2019թ. դեկտեմբերի 31-ի դրությամբ (ֆինանսական վիճակի մասին հաշվետվությունում ներկայացված են 402 մլն ՀՀ դրամ գումարով), որոնք կարող են ազդեցություն թողնել 2020 թ. ընթացքում ճանաչված ծախսերի և հետևաբար ֆինանսական արդյունքի վրա:

Բացի այդ, 2020թ. դեկտեմբերի 31-ի դրությամբ ֆինանսական վիճակի մասին հաշվետվությունում ճանաչված 1,535 մլն դրամ ընդհանուր գումարով առևտրական դեբիտորական պարտքերից ընտրանքային ստուգման մեջ ընդգրկված 907 մլն ՀՀ դրամ գումարով դեբիտորական պարտքերից 257 մլն ՀՀ դրամ գումարով դեբիտորական պարտքերի գծով չենք ստացել արտաքին հաստատում, և ի վիճակի չենք եղել այլընտրանքային ստուգման ընթացակարգերով հավաստիացում ձեռք բերել այդ գումարի վերաբերյալ: Քանի որ պաշարների մնացորդների մեջ հնարավոր անճշտությունը կարող է ազդել տարվա շահույթի ցուցանիշի վրա, իսկ դեբիտորական պարտքերի մնացորդների մեջ հնարավոր անճշտությունը՝ նաև գնորդներից ստացված կանխավճարի մնացորդի վրա, մենք չենք կարող գնահատել թե ինչպիսի ճշգրտման կարիք կարող է լինել այդ ցուցանիշների գծով:

Մենք աուդիտն անցկացրել ենք Աուդիտի միջազգային ստանդարտներին (ԱՄՍ-ներ) համապատասխան: Այդ ստանդարտներից բխող մեր պատասխանատվությունը լրացուցիչ նկարագրված է այս եզրակացության՝ «Աուդիտորի պատասխանատվությունը ֆինանսական հաշվետվությունների աուդիտի համար» բաժնում: Մենք

անկախ ենք Ընկերությունից՝ Հաշվապահների էթիկայի միջազգային ստանդարտների խորհրդի կողմից հրապարակած *Պրոֆեսիոնալ հաշվապահի էթիկայի կանոնագրքի (ՀԷՄՍԽ կանոնագիրք)* և Հայաստանի Հանրապետությունում ֆինանսական հաշվետվությունների այս աուդիտի նկատմամբ կիրառելի անկախության և էթիկայի պահանջներին համապատասխան, և մենք կատարել ենք էթիկայի գծով մեր այլ պարտականությունները՝ այդ պահանջներին և ՀԷՄՍԽ կանոնագրքին համապատասխան: Մենք համոզված ենք, որ մեր ձեռք բերած աուդիտորական ապացույցները բավարար են ու համապատասխան, որպեսզի հիմք ապահովեն մեր կարծիքի համար:

Այլ հարցեր

«Արրբեն» ՍՊԸ-ի 2019 թվականի դեկտեմբերի 31-ին ավարտված տարվա ֆինանսական հաշվետվություններն աուդիտի չեն ենթարկվել ոչ մեր, և ոչ էլ այլ աուդիտորական կազմակերպության կողմից, հետևաբար մեր եզրակացությունը չի տարածվում 2019 թվականի համեմատական տվյալների վրա:

Ղեկավարության պատասխանատվությունը ֆինանսական հաշվետվությունների համար

Ընկերության գործադիր ղեկավարությունը պատասխանատու է ՓՄԿ ՖՀՄՍ-ին համապատասխան ֆինանսական հաշվետվությունների պատրաստման և ճշմարիտ ներկայացման համար և այնպիսի ներքին հսկողության համակարգի համար, որը ղեկավարությունն անհրաժեշտ կհամարի էական անճշտություններից (թե՛ սխալի, թե՛ խարդախության արդյունքում առաջացող) զերծ ֆինանսական հաշվետվությունների պատրաստման հնարավորություն ընձեռելու համար:

Ֆինանսական հաշվետվությունները պատրաստելիս՝ գործադիր ղեկավարությունը պատասխանատու է Ընկերության անընդհատ գործելու կարողությունը գնահատելու համար՝ անհրաժեշտության դեպքում բացահայտելով անընդհատությանը վերաբերող հարցերը, ինչպես նաև հաշվապահական հաշվառման անընդհատության հիմունքը կիրառելու համար, բացառությամբ այն դեպքերի, երբ ղեկավարությունը մտադիր է կամ լուծարելու Ընկերությունը, կամ դադարեցնելու դրա գործունեությունը, կամ էլ չունի այդպես չվարվելու որևէ իրատեսական այլընտրանք:

Ընկերության միակ մասնակիցը պատասխանատու է Ընկերության ֆինանսական հաշվետվությունների պատրաստման գործընթացի վերահսկման համար:

Աուդիտորի պատասխանատվությունը ֆինանսական հաշվետվությունների աուդիտի համար

Մեր նպատակներն են՝ ձեռք բերել ողջամիտ հավաստիացում այն մասին, թե արդյոք ֆինանսական հաշվետվություններն, ամբողջությամբ վերցրած, զերծ են խարդախության կամ սխալի հետևանքով առաջացող էական անճշտություններից, և ներկայացնել մեր կարծիքը ներառող աուդիտորի եզրակացություն: Ողջամիտ հավաստիացումը բարձր մակարդակի հավաստիացում է, բայց այն չի երաշխավորում, որ ԱՄՍ-ներին համապատասխան իրականացված աուդիտը միշտ կհայտնաբերի գոյություն ունեցող էական անճշտությունը: Անճշտություններ կարող են առաջանալ սխալի կամ խարդախության արդյունքում և համարվում են էական, երբ խելամտորեն կարող է ակնկալվել, որ դրանք, առանձին կամ միասին վերցրած, կազդեն օգտագործողների՝ ֆինանսական հաշվետվությունների հիման վրա կայացվող տնտեսական որոշումների վրա:

Որպես ԱՄՍ-ներին համապատասխան իրականացվող աուդիտի մաս՝ մենք կիրառում ենք մասնագիտական դատողություն և պահպանում մասնագիտական կասկածամտություն աուդիտի ողջ ընթացքում: Մենք նաև՝

- նույնականացնում և գնահատում ենք խարդախության կամ սխալի հետևանքով ֆինանսական հաշվետվությունների էական անճշտության ռիսկերը, այդ ռիսկերից ելնելով նախագծում և իրականացնում ենք աուդիտորական ընթացակարգեր և ձեռք ենք բերում աուդիտորական ապացույցներ, որոնք բավարար և համապատասխան հիմք են ապահովում մեր կարծիքի համար: Խարդախությունից առաջացող էական անճշտության չհայտնաբերման ռիսկն ավելի բարձր է, քան սխալից առաջացողինը, քանի որ

խարդախությունը կարող է ներառել հանցավոր համաձայնություն, գեղծարարություն, միտումնավոր բացթողումներ, խեղաթյուրումներ կամ ներքին հսկողության համակարգի շրջանցում.

- պատկերացում ենք կազմում աուդիտին վերաբերող ներքին հսկողության համակարգի մասին՝ տվյալ հանգամանքներին համապատասխան աուդիտորական ընթացակարգեր նախագծելու, այլ ոչ թե Ընկերության ներքին հսկողության համակարգի արդյունավետության վերաբերյալ կարծիք արտահայտելու նպատակով.
- գնահատում ենք հաշվապահական հաշվառման կիրառված քաղաքականության տեղին լինելը և ղեկավարության կողմից կատարած հաշվապահական հաշվառման գնահատումների ու կից բացահայտումների հիմնավորվածությունը.
- եզրահանգում ենք կատարում ղեկավարության կողմից հաշվապահական հաշվառման անընդհատության հիմունքի կիրառման տեղին լինելու վերաբերյալ և, հիմնվելով ձեռք բերված աուդիտորական ապացույցների վրա, գնահատում ենք՝ արդյոք առկա է էական անորոշություն կապված դեպքերի կամ պայմանների հետ, որոնք կարող են նշանակալի կասկած հարուցել Ընկերության անընդհատ գործելու կարողության վերաբերյալ: Եթե մենք եզրակացնենք, որ առկա է էական անորոշություն, ապա մենք պետք է մեր աուդիտորի եզրակացությունում ուշադրություն հրավիրենք ֆինանսական հաշվետվությունների համապատասխան բացահայտումներին, կամ, այդպիսի բացահայտումների ոչ համապատասխան լինելու դեպքում, ձևափոխենք մեր կարծիքը: Մեր եզրահանգումները հիմնված են ընդհուպ մինչև մեր աուդիտորի եզրակացության ամսաթիվը ձեռք բերված աուդիտորական ապացույցների վրա: Այնուամենայնիվ, ապագա դեպքերը կամ պայմանները կարող են պատճառ հանդիսանալ, որ Ընկերությունն այլևս չհամարվի անընդհատ գործող.
- գնահատում ենք ֆինանսական հաշվետվությունների ընդհանուր ներկայացումը, կառուցվածքն ու բովանդակությունը, ներառյալ՝ բացահայտումները, և այն, թե արդյոք ֆինանսական հաշվետվությունները պատկերում են դրանց հիմքում ընկած գործարքներն ու դեպքերն այնպես, որ ապահովվի ճշմարիտ ներկայացում:

Ի թիվս այլ հարցերի, մենք տեղեկացնում ենք Ընկերության ղեկավարությանը աուդիտի պլանավորված շրջանակի և ժամկետների, աուդիտի ընթացքում հայտնաբերված նշանակալի հարցերի, ներառյալ՝ ներքին հսկողության համակարգի նշանակալի թերությունների մասին:

Սույն անկախ աուդիտորի եզրակացության համար հիմք հանդիսացած աուդիտի պատասխանատու ղեկավարն է՝

Արևիկ Հարությունյան

Որակավորված աուդիտոր

Արթուր Հարությունյան

Երևան

Տնօրեն

13 դեկտեմբերի 2021թ.

«Էյ-Էն Աուդիտ» ՓԲԸ



ՖԻՆԱՆՍԱԿԱՆ ՎԻՃԱԿԻ ՄԱՍԻՆ ՀԱՇՎԵՏՎՈՒԹՅՈՒՆ ԱՌ 31 ԴԵԿՏԵՄԲԵՐԻ 2020Թ.

Հազար դրամ	Ծան.	31.12.2020թ.	31.12.2019թ. (Աուդիտի չենթարկված)
Ակտիվներ			
Ոչ ընթացիկ ակտիվներ			
Հիմնական միջոցներ	5	51,577	35,721
Ոչ նյութական ակտիվներ		1,547	1,634
Երկարաժամկետ փոխառություններ	6	264,533	229,660
Հետաձգված հարկային ակտիվներ	7	18,156	20,090
Ընդամենը ոչ ընթացիկ ակտիվներ		335,813	287,105
Պաշարներ			
Պաշարներ	8	458,412	402,198
Տրված ընթացիկ կանխավճարներ	9	32,818	39,394
Առևտրական դեբիտորական պարտքեր	10	1,535,474	1,229,054
Դեբիտորական պարտքեր այլ հարկերի գծով		12,177	-
Շահութահարկի գծով կանխավճարներ		8,966	-
Դրամական միջոցներ	11	626,908	423,759
Ընդամենը ընթացիկ ակտիվներ		2,674,755	2,094,405
ԸՆԴԱՄԵՆԸ ԱԿՏԻՎՆԵՐ		3,010,568	2,381,510
Սեփական կապիտալ և պարտավորություններ			
Կանոնադրական կապիտալ	12	100	100
Կուտակված շահույթ (վնաս)		1,137,329	648,908
Ընդամենը սեփական կապիտալ		1,137,429	649,008
Երկարաժամկետ վարկեր	13	83,833	-
Ընդամենը ոչ ընթացիկ պարտավորություններ		83,833	-
Կարճաժամկետ վարկեր	13	562,969	401,946
Առևտրական և այլ կրեդիտորական պարտքեր	14	957,496	884,628
Ստացված ընթացիկ կանխավճարներ		30,029	26,672
Շահութահարկի գծով պարտավորություն		-	91,265
Այլ հարկերի գծով պարտավորություններ		4,980	61,002
Շահաբաժինների գծով պարտավորություններ		218,924	252,504
Աշխատակիցների գծով պահուստներ		14,908	14,485
Ընդամենը ընթացիկ պարտավորություններ		1,789,306	1,732,502
ԸՆԴԱՄԵՆԸ ՍԵՓԱԿԱՆ ԿԱՊԻՏԱԼ և ՊԱՐՏԱՎՈՐՈՒԹՅՈՒՆՆԵՐ		3,010,568	2,381,510

Տ. Շտրեն
Տեղաբնակ
Տիգրան Ղազարյան
13 դեկտեմբերի 2021թ.



(Signature)
Գլխավոր հաշվապահ
Իննա Օհանյան

Ֆինանսական վիճակի մասին հաշվետվությունը պետք է ընթերցվի սույն ֆինանսական հաշվետվությունների մաս կազմող 10-ից 24-րդ էջերում ներկայացված կից ծանոթագրությունների հետ մեկտեղ:

ՀԱՄԱՊԱՐՓԱԿ ՖԻՆԱՆՍԱԿԱՆ ԱՐԴՅՈՒՆՔՆԵՐԻ ՄԱՍԻՆ ՀԱՇՎԵՏՎՈՒԹՅՈՒՆ 2020Թ.
ԴԵԿՏԵՄԲԵՐԻ 31-ԻՆ ԱՎԱՐՏՎՈՂ ՏԱՐՎԱ ՀԱՄԱՐ

Հազար դրամ	Ծան.	2020թ.	2019թ. (Աուդիտի չենթարկված)
Հասույթ	15	4,843,072	5,780,345
Վաճառքի ինքնարժեք		(3,648,244)	(4,308,261)
Համախառն շահույթ		1,194,828	1,472,084
Վարչական և այլ ընդհանուր ծախսեր	16	(346,516)	(233,286)
Իրացման ծախսեր	17	(300,778)	(246,783)
Այլ եկամուտներ և (ծախսեր) ¹ զուտ	19	45,771	(74,082)
Ֆինանսական ծախսեր		(34,531)	(34,504)
Տոկոսային եկամուտ		22,789	17,849
Փոխարժեքային տարբերություններից զուտ օգուտ/(կորուստ)		3,889	124
Շահույթ նախքան շահութահարկը		585,452	901,402
Շահութահարկի գծով ծախս	18	(94,213)	(182,951)
Տարվա շահույթ		491,239	718,451
Այլ համապարփակ ֆինանսական արդյունք		-	-
Ընդամենը համապարփակ ֆինանսական արդյունք տարվա համար		491,239	718,451


 Տնօրեն
 Տիգրան Ղազարյան


 13 դեկտեմբերի 2021թ.


 Գլխավոր հաշվապահ
 Իննա Օհանյան

ՍԵՓԱԿԱՆ ԿԱՊԻՏԱԼՈՒՄ ՓՈՓՈԽՈՒԹՅՈՒՆՆԵՐԻ ՄԱՍԻՆ ՀԱՇՎԵՏՎՈՒԹՅՈՒՆ 2020Թ.
ԴԵԿՏԵՄԲԵՐԻ 31-ԻՆ ԱՎԱՐՏՎՈՂ ՏԱՐՎԱ ՀԱՄԱՐ

Հազար դրամ	Ծան.	Կանոնա- դրական կապիտալ	Պահուս- տային կապիտալ	Կուտակ- ված շահույթ	Ընդամենը սեփական կապիտալ
Մնացորդն առ 01 հունվարի 2019թ. (Աուդիտի չենթարկված)		100	-	-	437,981
Հաշվետու տարվա զուտ շահույթ				-	718,451
Ընկերության սեփականատիրոջը տրամադրած անտոկոս փոխառության և դրա վաղաժամ մարման ազդեցությունը	6			(34,241)	(34,241)
Շահաբաժինների հայտարարում				-	(473,183)
Մնացորդն առ 31 դեկտեմբերի 2019թ. (Աուդիտի չենթարկված)		100	-	648,908	649,008

Հազար դրամ	Ծան.	Կանոնա- դրական կապիտալ	Պահուս- տային կապիտալ	Կուտակ- ված շահույթ	Ընդամենը սեփական կապիտալ
Մնացորդն առ 01 հունվարի 2020թ.		100	-	-	649,008
Հաշվետու տարվա զուտ շահույթ				-	491,239
Ընկերության սեփականատիրոջը տրամադրած անտոկոս փոխառության ազդեցությունը	6			(2,818)	(2,818)
Մնացորդն առ 31 դեկտեմբերի 2020թ.		100	-	1,137,329	1,137,429


Տնօրեն

Տիգրան Ղազարյան



13 դեկտեմբերի 2021թ.


Գլխավոր հաշվապահ

Իննա Օհանյան

ԴՐԱՄԱԿԱՆ ՄԻՋՈՑՆԵՐԻ ՀՈՍՔԵՐԻ ՄԱՍԻՆ ՀԱԵՎԵՏՎՈՒԹՅՈՒՆ 2020Թ. ԴԵԿՏԵՄԲԵՐԻ 31-ԻՆ ԱՎԱՐՏՎՈՂ ՏԱՐՎԱ ՀԱՄԱՐ

Հազար դրամ	2020թ.	2019թ. (Աուդիտի չենթարկված)
Գործառնական գործունեությունից դրամական միջոցների հոսքեր		
Ապրանքի վաճառքից մուտքեր	5,451,498	6,507,343
Այլ մուտքեր	59,315	265
Վճարումներ մատակարարներին և նրանց անունից	(3,964,707)	(5,025,249)
Վճարումներ աշխատակիցներին և նրանց անունից	(424,958)	(264,820)
Վճարված հարկեր և այլ պարտադիր վճարներ՝ բացի շահութահարկից	(825,114)	(454,345)
Վճարված շահութահարկ	(207,172)	(179,452)
Այլ վճարումներ	(35,735)	(5,839)
Գործառնական գործունեությունից դրամական միջոցների զուտ հոսքեր	53,127	577,903
Ներդրումային գործունեությունից դրամական միջոցների հոսքեր		
Հիմնական միջոցների ձեռքբերումից և կառուցումից	(23,557)	-
Հիմնական միջոցների օտարումից (ներառյալ ԱԱՀ)	-	290
Փոխառությունների տրամադրումից ելքեր	(15,521)	(192,000)
Տրամադրված փոխառություններից մարումից մուտքեր	-	15,521
Ներդրումային գործունեությունից դրամական միջոցների զուտ հոսքեր	(39,078)	(176,189)
Ֆինանսական գործունեությունից դրամական միջոցների հոսքեր		
Ստացված վարկերից մուտքեր	3,234,679	3,030,095
Ստացված վարկերի մարումներից ելքեր	(2,989,823)	(3,066,792)
Վճարված տոկոսներ	(22,232)	(34,504)
Վճարված շահաբաժիններ	(33,580)	(212,000)
Ֆինանսական գործունեությունից դրամական միջոցների զուտ հոսքեր	189,044	(283,201)
Ընդամենը դրամական միջոցների զուտ հոսքեր	203,093	118,513
Դրամական միջոցների մնացորդն առ 1 հունվարի	423,759	305,229
Արտարժույթի փոխարժեքային տարբերություններ դրամական միջոցների գծով	56	17
Դրամական միջոցների մնացորդն առ 31 դեկտեմբերի	626,908	423,759

Տ. Շահինյան
 Տնօրեն
 Տիգրան Ղազարյան



 Գլխավոր հաշվապահ
 Իննա Օհանյան

13 դեկտեմբերի 2021թ.

Դրամական միջոցների հոսքերի մասին հաշվետվությունը պետք է ընթերցվի սույն ֆինանսական հաշվետվությունների մաս կազմող՝ 10-ից 24-րդ էջերում ներկայացված կից ծանոթագրությունների հետ մեկտեղ:

2020Թ. ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐԻՆ ԿԻՑ ԾԱՆՈԹԱԳՐՈՒԹՅՈՒՆՆԵՐ

1. Գործառնությունների բնույթը և ընդհանուր տեղեկատվություն

«Արբրեն» սահմանափակ պատասխանատվությամբ ընկերությունը (այսուհետ՝ Ընկերություն) ստեղծվել է 1997թ. «Արարատ Բրենդի» ՍՊԸ անվամբ: 2000թ. փետրվարի 9-ին «Արարատ Բրենդի» ՍՊԸ-ն վերանվանվել է «Արբրեն» ՍՊԸ-ի:

Ընկերությունն իրավաբանական անձ համարվող, շահույթ ստանալու նպատակ հետապնդող (առևտրային) կազմակերպություն է, որը ստեղծվել է և իր գործունեության ընթացքում ղեկավարվում է ՀՀ Սահմանադրությանը, Քաղաքացիական օրենսգրքին, «Սահմանափակ պատասխանատվությամբ ընկերությունների մասին» ՀՀ օրենքին, գործող այլ իրավական ակտերին և իր կանոնադրությանը համապատասխան:

(a) Ընկերության

Անվանումը՝	«Արբրեն» ՍՊԸ
Գրանցման համարը՝	264.110.03818
Գրանցման վկայական՝	01 Ա 036702
Գրանցման ամսաթիվը՝	18.08.1997թ.
Գտնվելու վայրը՝	ՀՀ, Արարատի մարզ, գ. Արգավանդ, Գետափնյա 2
Հարկ վճարողի հաշվառման համարը՝	00041742

Ընկերությունը հիմնականում զբաղվում է ալկոհոլային խմիչքների ներմուծմամբ և վաճառքով ՀՀ և ԼՂՀ տարածքում, ինչպես նաև հանդիսանում է «Պեոնո Ռիկար Արմենիա» ՓԲԸ-ի պաշտոնական դիստրիբյուտորը ՀՀ և ԼՂՀ տարածքում:

Աշխատակիցների ցուցակային թվաքանակը 31.12.2020թ. դրությամբ կազմել է 66 հոգի (31.12.2019թ.՝ 60 հոգի):

բ) Կորպորատիվ կառուցվածքը

Ընկերության կանոնադրական կապիտալը կազմում է 100 (մեկ հարյուր) հազար ՀՀ դրամ: Ընկերության կանոնադրական կապիտալի բոլոր բաժնեմասերը տեղաբաշխված են և լրիվ վճարված: Ընկերության միակ մասնակիցը եղել է Անուշ Օհանյանը մինչև 2020թ.-ի մարտի 17-ը, որից հետո միակ մասնակիցը դարձել է Միսակ Օհանյանը:

Ընկերության կառավարման բարձրագույն մարմինն Ընկերության մասնակիցների ընդհանուր ժողովն է, որն ունի Ընկերության կառավարման և գործունեության ցանկացած հարցի վերջնական լուծման իրավունք: Ընկերության ընթացիկ գործունեության ղեկավարումն իրականացնում է Ընկերության տնօրենը:

2. Պատրաստման հիմքերը և ստորագրումը

2.1 Հայրաբարություն համապատասխանության մասին

Սույն ֆինանսական հաշվետվությունները պատրաստվել են Փոքր և միջին կազմակերպությունների ֆինանսական հաշվետվությունների միջազգային ստանդարտին («ՓՄԿ ՖՀՄՍ») համապատասխան: ՓՄԿ ՖՀՄՍ-ն ընդունվել է Հաշվապահական հաշվառման միջազգային ստանդարտների խորհրդի կողմից 2015թ., իսկ դրա պաշտոնական հայերեն տարբերակը հրապարակվել է ՀՀ կառավարության 2017 թ. մայիսի 25-ի N 559-Ն որոշմամբ:

2.2 Չափման հիմունքը

Սույն ֆինանսական հաշվետվությունները պատրաստվել են սկզբնական արժեքի հիմունքով:

2.3 Ներկայացման և ֆունկցիոնալ արժույթը

ՀՀ ազգային արժույթը ՀՀ դրամն է, որն Ընկերության ֆունկցիոնալ և ներկայացման արժույթն է: Ներկայացված ամբողջ ֆինանսական տեղեկատվությունը կլորացված է մինչև մոտակա հազար դրամը:

2.4 Արտրագրումը

Սույն ֆինանսական հաշվետվությունները ստորագրվել են 2021 թվականի դեկտեմբերի 13-ին Ընկերության տնօրեն Տիգրան Ղազարյանի և գլխավոր հաշվապահ Իննա Օհանյանի կողմից:

3. Հաշվապահական հաշվառման քաղաքականություն

3.1. Հասույթի ճանաչում

Հասույթը չափվում է ստացված կամ ստացվելիք հատուցման իրական արժեքով: Ծառայությունների մատուցումից հասույթը ճանաչվում է շահույթում կամ վնասում՝ հաշվետու ամսաթվի դրությամբ գործարքի ավարտվածության աստիճանի հիման վրա: Ավարտվածության աստիճանը գնահատվում է կատարված աշխատանքների ուսումնասիրության հիման վրա: Այնքանով, որքանով մատուցվելիք կամ մատուցված ծառայության դիմաց հատուցումը ստացված է նախքան հասույթի ճանաչումը (ստացված կանխավճարների չափով), հասույթը չափվում է հատուցման՝ ստացման ամսաթվի դրությամբ իրական արժեքով:

Ապրանքների վաճառքից ստացվող հասույթը ճանաչվում է, երբ բավարարված են հետևյալ բոլոր պայմանները՝

- ա) գնորդին է փոխանցվում ապրանքների սեփականության հետ կապված ռիսկերի և փոխհատուցումների մեծ մասը,
- բ) Ընկերությունը չի պահպանում՝
 - կառավարման այն չափի մասնակցություն, որը բխում է սեփականության իրավունքից,
 - վաճառված ապրանքների նկատմամբ վերահսկողություն,
- գ) հնարավոր է արժանահավատորեն չափել հասույթի գումարը,
- դ) հավանական է, որ գործարքի հետ կապված տնտեսական օգուտները կհոսեն Ընկերություն,
- ե) գործարքի հետ կապված կատարված կամ կատարվելիք ծախսերը հնարավոր է արժանահավատորեն չափել:

3.2. Շահութահարկ

Ընթացիկ և նախորդ ժամանակաշրջանների համար շահութահարկի գծով ընթացիկ հարկերը, դրանց չվճարված մասի չափով, ճանաչվում են որպես պարտավորություն: Եթե ընթացիկ և նախորդ ժամանակաշրջանների համար արդեն վճարված գումարը գերազանցում է այդ ժամանակաշրջանների համար վճարման ենթակա գումարը, ապա գերազանցող մասը ճանաչվում է որպես ակտիվ:

Ընթացիկ և նախորդ ժամանակաշրջանների համար ընթացիկ հարկային պարտավորությունները (ակտիվները) չափվում են այն գումարով, որն ակնկալվում է, որ կվճարվի բյուջե (կփոխհատուցվի բյուջեից)՝ կիրառելով հարկերի դրույքները (և հարկային օրենքները), որոնք ուժի մեջ են եղել հաշվետու ժամանակաշրջանի վերջի դրությամբ:

Հետաձգված հարկային պարտավորությունը ճանաչվում է բոլոր հարկվող ժամանակավոր տարբերությունների համար, բացառությամբ այն հետաձգված հարկային պարտավորությունների, որոնք առաջանում են՝

- ա) գույվիլի սկզբնական ճանաչումից,
- բ) ակտիվի կամ պարտավորության սկզբնական ճանաչումից՝ այնպիսի գործարքի ներքո, որը ձեռնարկատիրական գործունեության միավորում չէ և այդ գործարքի պահին չի ազդում ոչ հաշվապահական շահույթի, ոչ էլ հարկվող շահույթի (հարկային վնասի) վրա:

Հետաձգված հարկային ակտիվը ճանաչվում է բոլոր նվազեցվող ժամանակավոր տարբերությունների

2020 թվականի ֆինանսական հաշվետվություններին կից ծանոթագրություններ

համար այն չափով, որքանով որ հավանական է հարկվող շահույթի ստացում, որի դիմաց կարող է օգտագործվել նվազեցվող ժամանակավոր տարբերությունը, բացառությամբ այն հետաձգված հարկային ակտիվների, որոնք առաջանում են ակտիվի կամ պարտավորության սկզբնական ճանաչումից այնպիսի գործարքի ներքո, որը ձեռնարկատիրական գործունեության միավորում չէ և այդ գործարքի պահին չի ազդում ոչ հաշվապահական շահույթի, ոչ էլ հարկվող շահույթի (հարկային վնասի) վրա:

Առաջիկա ժամանակաշրջաններ փոխանցված չօգտագործված հարկային վնասների և չօգտագործված հարկային զեղչերի համար ճանաչվում է հետաձգված հարկային ակտիվ այն չափով, որ չափով հավանական է, որ Ընկերությունն ապագայում կունենա հարկվող շահույթ, որի դիմաց կարող են օգտագործվել այդ չօգտագործված հարկային վնասները և չօգտագործված հարկային զեղչերը:

Հետաձգված հարկային ակտիվները և պարտավորությունները չեն զեղչվում:

Հետաձգված հարկային ակտիվի հաշվեկշռային արժեքը յուրաքանչյուր հաշվետու ժամանակաշրջանի վերջի դրությամբ ստուգվում (վերանայվում) է: Ընկերությունը նվազեցնում է հետաձգված հարկային ակտիվի հաշվեկշռային արժեքն այն չափով, որքանով որ այլևս հավանական չէ, որ կստանա բավարար հարկվող շահույթ, որը թույլ կտա հետաձգված հարկային ակտիվից օգուտն ամբողջությամբ կամ մասամբ իրացնել: Ցանկացած այդպիսի նվազեցում պետք է վերականգնվի այն չափով, որքանով որ հավանական է դառնում բավարար հարկվող շահույթի ստացումը: Նման ճշգրտումները ճանաչվում են շահույթում կամ վնասում:

Ընթացիկ և հետաձգված հարկերը ճանաչվում են որպես եկամուտ կամ ծախս և ներառվում են տվյալ ժամանակաշրջանի շահույթի կամ վնասի մեջ, բացառությամբ հարկի այն մասի, որն առաջանում է՝

- ա) գործարքից կամ իրադարձությունից, որը, նույն կամ մեկ այլ ժամանակաշրջանում, ճանաչվում է շահույթից կամ վնասից դուրս կամ այլ համապարփակ ֆինանսական արդյունքում, կամ ուղղակիորեն սեփական կապիտալում, կամ՝
- բ) ձեռնարկատիրական գործունեության միավորումից:

Ընթացիկ և հետաձգված հարկը ճանաչվում է շահույթից կամ վնասից դուրս, եթե հարկը վերաբերում է այն հողվածներին, որոնք, նույն կամ մեկ այլ ժամանակաշրջանում, ճանաչված են շահույթից կամ վնասից դուրս: Հետևաբար, ընթացիկ և հետաձգված հարկերը, որոնք վերաբերում են այն հողվածներին, որոնք, նույն կամ տարբեր ժամանակաշրջանում, ճանաչված են՝

- ա) այլ համապարփակ ֆինանսական արդյունքում, ճանաչվում են այլ համապարփակ ֆինանսական արդյունքում,
- բ) ուղղակիորեն սեփական կապիտալում, ճանաչվում են ուղղակիորեն սեփական կապիտալում (օրինակ՝ չբաշխված շահույթի սկզբնական մնացորդի ճշգրտում, որն առաջանում է կամ հետընթաց կիրառվող հաշվապահական հաշվառման քաղաքականության փոփոխությունից, կամ սխալի ուղղումից):

Ընկերությունը հետաձգված հարկային ակտիվը և հետաձգված հարկային պարտավորությունը հաշվանցում է այն և միայն այն դեպքում, երբ ա) ունի իրավունք՝ հաշվանցելու ընթացիկ հարկային ակտիվներն ընթացիկ հարկային պարտավորությունների դիմաց, բ) հետաձգված հարկային ակտիվը և հետաձգված հարկային պարտավորությունը վերաբերում են շահութահարկին, որը գանձվում է նույն հարկային մարմնի կողմից նույն հարկատուից:

3.3. Հիմնական միջոցներ

Հիմնական միջոցի միավորի սկզբնական արժեքը ճանաչվում է որպես ակտիվ այն և միայն այն դեպքում, երբ հավանական է, որ այդ միավորի հետ կապված ապագա տնտեսական օգուտները կհոսեն դեպի Ընկերություն, և միավորի սկզբնական արժեքը կարող է արժանահավատորեն չափվել:

Հիմնական միջոցի միավորը՝ որպես ակտիվ ճանաչելուց հետո, հաշվառվում է իր սկզբնական արժեքով (ինքնարժեքով)՝ հանած կուտակված մաշվածությունը և արժեզրկումից կուտակված կորուստները: Սկզբնական արժեքը ներառում է գնման գինը, ներառյալ ներկրման տուրքերը և չփոխհատուցվող հարկերը՝ հանած առևտրային զեղչերը, ակտիվը համապատասխան վայր հասցնելու և ղեկավարության նախանշած նպատակներով օգտագործման համար աշխատանքային վիճակի բերելու հետ ուղղակիորեն կապված ցանկացած ծախսումները: Հիմնական միջոցի միավորի հաշվեկշռային արժեքում ծախսումների ճանաչումը դադարեցվում է, երբ միավորը գտնվում է այն վայրում և վիճակում, որն անհրաժեշտ է, որպեսզի այն հնարավոր լինի օգտագործել ղեկավարության նախանշած նպատակներով:

Հիմնական միջոցի միավորի օտարումից կամ դուրսգրումից առաջացած օգուտը կամ կորուստը որոշվում է որպես ակտիվի իրացումից զուտ մուտքերի (եթե առկա են) և հաշվեկշռային արժեքի տարբերություն: Հիմնական միջոցի միավորի ապաճանաչումից առաջացող օգուտը կամ կորուստը ներառվում է շահույթում կամ վնասում, երբ միավորն ապաճանաչվում է:

Հիմնական միջոցի առանձին հաշվառվող միավորի բաղկացուցիչի փոխարինման ծախսումները, որոնք հաշվառվում են որպես առանձին ակտիվ, ճանաչվում է հաշվեկշռային արժեքում, երբ այդ ծախսումները կատարվում են, և եթե բավարարվում են ճանաչման չափանիշները: Այդ փոխարինված մասերի հաշվեկշռային արժեքն ապաճանաչվում է: Պահպանման և ընթացիկ սպասարկման-վերանորոգման ծախսումները ճանաչվում են շահույթում կամ վնասում կատարվելու ժամանակաշրջանում:

Ժամանակաշրջանի մաշվածության գումարը ճանաչվում է շահույթում կամ վնասում կիրառելով հաշվարկի գծային մեթոդը հիմնական միջոցի գնահատված օգտակար ծառայության ժամկետի ընթացքում: Որոշ դեպքերում, երբ ակտիվում մարմնավորված ապագա տնտեսական օգուտները կլանվում են մեկ այլ ակտիվի արտադրության ընթացքում, այդ դեպքում մաշվածության գումարը կազմում է այդ ակտիվի արժեքի մի մասը և ներառվում է դրա հաշվեկշռային արժեքում: Ակտիվի մաշվածությունը սկսում է հաշվարկվել, երբ այն մատչելի է օգտագործման համար, այսինքն, երբ այն գտնվում է այնպիսի վայրում և վիճակում, որն անհրաժեշտ է՝ ղեկավարության նախանշած նպատակով այն օգտագործելու համար: Երբ հիմնական միջոցների միավորը բաղկացած է տարբեր օգտակար ծառայության ժամկետ ունեցող խոշոր բաղկացուցիչներից, դրանց մաշվածությունը հաշվարկվում է առանձին:

Հիմնական միջոցների գնահատված օգտակար ծառայության ժամկետները ներկայացված են ստորև.

• Շենքեր, կառուցվածքներ	8-50 տարի
• Մեքենաներ և սարքավորումներ	5-10 տարի
• Տրանսպորտային միջոցներ	5-10 տարի
• Տնտեսական և գրասենյակային գույք, գործիքներ	1-10 տարի
• Այլ հիմնական միջոցներ	1-8 տարի

3.4. Ոչ նյութական ակտիվներ

Ոչ նյութական ակտիվը ճանաչվում է այն և միայն այն դեպքում, երբ հավանական է, որ ակտիվին վերագրելի ակնկալվող ապագա տնտեսական օգուտները կհոսեն Ընկերություն, և ակտիվի արժեքը կարող է արժանահավատորեն չափվել:

Ոչ նյութական ակտիվները, որոնք ձեռք են բերվել Ընկերության կողմից և ունեն օգտակար ծառայության որոշակի ժամկետ, ներկայացված են սկզբնական արժեքով՝ հանած կուտակված ամորտիզացիան և արժեզրկումից կորուստները:

Անորոշ օգտակար ծառայությամբ ոչ նյութական ակտիվները չեն ամորտիզացվում, դրանք չափվում են ինքնարժեքով՝ հանած կուտակված արժեզրկումից կորուստները:

Ամորտիզացիան ճանաչվում է շահույթում կամ վնասում՝ կիրառելով հաշվարկի գծային մեթոդը ոչ նյութական ակտիվի օգտակար ծառայության գնահատված ժամկետի ընթացքում: Ոչ նյութական

2020 թվականի ֆինանսական հաշվետվություններին կից ծանոթագրություններ

ակտիվների գնահատված օգտակար ծառայության ժամկետները ներկայացված են ստորև.

- Հաշվապահական ծրագիր 10 տարի

3.5. Դրամական միջոցներ և դրանց համարժեքներ

Դրամական միջոցները և դրանց համարժեքները ներառում են կանխիկ դրամական միջոցները, բանկերում բացված հաշվարկային հաշիվները, մինչև երեք ամիս սկզբնական մարման ժամկետով կարճաժամկետ բանկային ավանդները:

3.6. Գործառնական վարձակալություն

Վարձակալությունը դասակարգվում է որպես ֆինանսական վարձակալություն, երբ վարձակալության պայմաններով սեփականության հետ կապված ըստ էության բոլոր ռիսկերն ու օգուտները փոխանցվում են վարձակալին: Մյուս բոլոր վարձակալությունները դասակարգվում են որպես գործառնական վարձակալություն: Ընկերությունը վարձակալում է գրասենյակային տարածքը:

Վարձակալված ակտիվները (բացառությամբ ֆինանսական վարձակալության դեպքերի) չեն ճանաչվում Ընկերության ֆինանսական վիճակի մասին համախմբված հաշվետվությունում:

Գործառնական վարձակալության վճարումները գծային հիմունքով ճանաչվում են որպես ծախս վարձակալության ժամկետում, բացառությամբ, երբ մեկ այլ սխտեմատիկ հիմունք ավելի լավ է ներկայացնում վարձակալված ակտիվի տնտեսական օգուտների սպառման ժամանակային գրաֆիկը: Գործառնական վարձակալության ներքո առաջացող պայմանական վարձավճարները ճանաչվում են որպես ծախս այն ժամանակաշրջանում, երբ դրանք առաջանում են:

Այն դեպքում, երբ խրախուսող պայմաններ են ստացվում գործառնական վարձակալության պայմանագիր կնքելու համար, այդ խրախուսող վճարները ճանաչվում են որպես պարտավորություն: Խրախուսող պայմաններից ամբողջ օգուտը ճանաչվում է որպես վարձակալական ծախսի նվազեցում գծային հիմունքով, բացառությամբ, երբ մեկ այլ սխտեմատիկ հիմունք ավելի լավ է ներկայացնում վարձակալված ակտիվի տնտեսական օգուտների սպառման ժամանակային գրաֆիկը:

3.7. Արտարժույթային գործարքներ

Ֆինանսական հաշվետվություններ պատրաստելիս Ընկերության համար գործառնական արժույթից տարբեր այլ արժույթով իրականացված գործարքները գրանցվում են գործարքի օրվա դրությամբ Հայաստանի Հանրապետության Կենտրոնական բանկի («ՀԿԲ») կողմից հրապարակված փոխարժեքով: Յուրաքանչյուր հաշվետու ամսաթվի դրությամբ արտարժույթով դրամային հոդվածները վերահաշվարկվում են՝ կիրառելով հաշվետու ամսաթվի դրությամբ ՀԿԲ կողմից հրապարակված փոխարժեքը: Ոչ դրամային հոդվածները, որոնց սկզբնական արժեքը հաշվառվում է արտարժույթով, չեն վերահաշվարկվում:

Արտարժույթային գործարքներից, ինչպես նաև արտարժույթով արտահայտված դրամային հոդվածների վերահաշվարկումից առաջացած փոխարժեքային տարբերությունները ճանաչվում են ժամանակաշրջանի շահույթում կամ վնասում:

Հաշվետու ամսաթվի դրությամբ և հաշվետու ժամանակաշրջանի ընթացքում միջին փոխարժեքները՝ հիմք ընդունելով յուրաքանչյուր օրվա համար ՀԿԲ կողմից հրապարակված միջին փոխարժեքները, ներկայացված են ստորև.

Դրամով	Միջին փոխարժեքներ		Հաշվետու ամսաթվի փոխարժեք	
	2020թ.	2019թ.	31.12.2020թ.	31.12.2019թ.
1 ԵՎՐՈ	558.39	537.89	641.11	537.26
1 ԱՄՆ Դոլար	489.20	480.36	522.59	479.7
1 Ռուսական Ռուբլի	6.80	7.4	7.02	7.77

3.8. Պաշարներ

Պաշարները չափվում են ինքնարժեքից և իրացման գուտ արժեքից նվազագույնով: Պաշարների ինքնարժեքը ներառում է ձեռքբերման, արտադրանքի վերամշակման բոլոր ծախսումները և պաշարները ներկա գտնվելու վայր և վիճակի բերելու հետ կապված բոլոր այլ ծախսումները: Պաշարների ինքնարժեքը որոշվում է կիրառելով «Առաջինը մուտք՝ առաջինը ելք» (ՖԻՖՈ) բանաձևը:

Արտադրված պաշարների ինքնարժեքը հաշվառվում է որպես արտադրական գործընթացում արված բոլոր ծախսումների հարաբերակցությունը արտադրված ապրանքի քանակին:

3.9. Ֆինանսական գործիքներ

(i) Առևտրական և այլ դեբիտորական պարտքեր

Դեբիտորական պարտքերը սովորաբար ճանաչվում են կատարված աշխատանքների դիմաց նախահաշիվների և ընդունման-հանձնման ակտերի հիման վրա դուրս գրված հաշիվ ապրանքագրերի անվանական գումարներով: Յուրաքանչյուր տարեվերջին Ընկերությունը ստուգում է դեբիտորական պարտքերի հավաքման հավանականությունը և անհրաժեշտության դեպքում ստեղծում է հնարավոր կորուստների պահուստ՝ շահույթում կամ վնասում ճանաչելով արժեզրկումից կորուստը:

(ii) Առևտրական և այլ կրեդիտորական պարտքեր

Ընկերության կրեդիտորական պարտքերը մարման սովորական ժամկետով, անտոկոս ֆինանսական պարտավորություններ են, որոնք ճանաչվում են անվանական գումարներով:

(iii) Տրամադրած և սրացված փոխառություններ

Տրամադրած և սրացված փոխառությունները սկզբնապես հաշվառվում են գործարքի գումարով, իսկ հետագայում՝ ամորտիզացված արժեքի մեթոդով՝ արդյունքային տոկոսադրույքով: Կարճաժամկետ անտոկոս կամ շուկայականից էականորեն ցածր տոկոսադրույքով փոխառությունները հաշվառվում են գործարքի գումարով և անվանական տոկոսադրույքով: Երկարաժամկետ փոխառությունները հաշվառվում են վճարվելիք կամ ստացվելիք գումարների (ներառյալ տոկոսների վճարումների ու մայր գումարի վերադարձի) ներկա արժեքով: Այդ ներկա արժեքի և գործարքի գումարի միջև տարբերությունը ճանաչվում է շահույթում կամ վնասում, բացառությամբ երբ գործարքի կողմը սեփականատեր է, որի դեպքում այդ տարբերությունը ճանաչվում է սեփական կապիտալում՝ որպես սեփականատերերից կապիտալի հատկացում կամ սեփականատերերին շահույթի բաշխում: Մինչև մեկ տարի ժամկետով գործարքները սեփականատերերի հետ հաշվառվում են անվանական գումարներով:

3.10. Հիմնական միջոցների և ոչ նյութական ակտիվների արժեզրկում

Յուրաքանչյուր տարեվերջին Ընկերությունը ստուգում է, թե արդյոք առկա է որևէ վկայություն, որ հիմնական միջոցները և ոչ նյութական ակտիվները կարող են արժեզրկված լինել: Եթե կա նման վկայություն, ապա իրականացվում է համապատասխան ակտիվ(ներ)ի արժեզրկվածության հաշվարկ: Արժեզրկման կորուստը ճանաչվում է այն գումարով, որով ակտիվի հաշվեկշռային արժեքը գերազանցում է փոխհատուցվող գումարը:

Փոխհատուցվող գումարը՝ ակտիվի կամ դրամաստեղծ միավորի իրական արժեքից հանած վաճառքի ծախսումները և օգտագործման արժեքից առավելագույնն է: Եթե ակտիվի կամ դրամաստեղծ միավորի փոխհատուցվող գումարն ավելի փոքր է նրա հաշվեկշռային արժեքից, ապա ակտիվի կամ դրամաստեղծ միավորի հաշվեկշռային արժեքը նվազեցվում է մինչև փոխհատուցվող գումարը: Արժեզրկումից կորուստը ճանաչվում է շահույթում կամ վնասում:

Երբ հետագայում արժեզրկումից կորուստը հակադարձվում է, ապա ակտիվի կամ դրամաստեղծ միավորի հաշվեկշռային արժեքն ավելացվում է մինչև նրա փոխհատուցվող գումարը, բայց այնպես, որ ակտիվի ավելացված հաշվեկշռային արժեքը չգերազանցի այն հաշվեկշռային արժեքը, որը որոշված կլիներ, եթե

2020 թվականի ֆինանսական հաշվետվություններին կից ծանոթագրություններ

Նախորդ տարիներին այդ ակտիվի կամ դրամաստեղծ միավորի գծով արժեզրկումից կորուստներ ճանաչված չլինելին: Արժեզրկումից կորստի հակադարձումն անմիջապես ճանաչվում է շահույթում կամ վնասում:

3.11. Պահուստներ

Պահուստը ճանաչվում է, երբ Ընկերությունն ունի ներկա պարտականություն (իրավական կամ կառուցողական)՝ որպես անցյալ դեպքերի արդյունք, և հավանական է, որ այդ պարտականությունը մարելու համար կպահանջվի տնտեսական օգուտներ մարմնավորող միջոցների արտահոսք, պարտականության գումարը հնարավոր է արժանահավատորեն գնահատել: Եթե ժամանակի մեջ դրամի արժեքի ազդեցությունն էական է, ապա պահուստի գումարն իրենից ներկայացնում է այն ծախսումների ներկա արժեքը, որոնք, ըստ ակնկալության, կպահանջվեն այդ պարտականությունը մարելու համար:

Ձեռքման դրույքն այն դրույքն է, առանց հաշվի առնելու հարկման ազդեցությունը, որն արտացոլում է ժամանակի մեջ դրամի արժեքի և այդ պարտավորությանը հատուկ ռիսկերի ընթացիկ շուկայական գնահատումները: Ձեռքման դրույքը չի արտացոլի այն ռիսկերը, որոնց գծով դրամական միջոցների ապագա հոսքերի գնահատումներն արդեն ճշգրտվել են:

Յուրաքանչյուր հաշվետու ժամանակաշրջանի վերջի դրությամբ պահուստները վերանայվում են և ճշգրտվում են՝ ընթացիկ լավագույն գնահատականն արտացոլելու համար: Եթե այլևս հավանական չէ, որ պարտավորությունը մարելու համար կպահանջվի տնտեսական օգուտներ մարմնավորող միջոցների արտահոսք, ապա պահուստը հակադարձվում է: Պահուստն օգտագործվում է միայն այն ծախսումների դիմաց, որոնց գծով այդ պահուստը սկզբնապես ճանաչվել էր:

3.12. Աշխատակիցների հատուցումներ

Աշխատակիցների հատուցումները ներառում են՝

- a. աշխատավարձը,
- b. կարճաժամկետ փոխհատուցելի բացակայությունները, ինչպիսին են վճարովի տարեկան արձակուրդը և ժամանակավոր անաշխատունակության նպաստը,
- c. պարգևավճարները:

Աշխատակիցների հատուցումների այն գումարը, որն ակնկալվում է վճարել հաշվետու ժամանակաշրջանի ընթացքում աշխատակիցներից ստացված ծառայության դիմաց, ճանաչվում է՝ ա) որպես պարտավորություն (հաշվեզրկված ծախս)՝ արդեն վճարված գումարները հանելուց հետո, և բ) որպես ծախս, բացառությամբ, երբ որևէ ստանդարտով պահանջվում կամ թույլատրվում է այդ հատուցումների ներառումը որևէ ակտիվի ինքնարժեքի (սկզբնական արժեքի) մեջ: Եթե արդեն վճարված գումարը գերազանցում է հատուցումների գումարը, ապա Ընկերությունն այդ գերազանցումը ճանաչում է որպես ակտիվ (կանխավճարված ծախս) այնքանով, որքանով այդ կանխավճարը կհանգեցնի, օրինակ, ապագա վճարումների նվազման կամ դրամական միջոցների վերադարձի:

Ընկերությունն աշխատակիցների կարճաժամկետ հատուցումների գծով ակնկալվող ծախսումները՝ կուտակվող փոխհատուցելի բացակայությունների ձևով (ինչպիսին է վճարովի ամենամյա արձակուրդը) ճանաչում է, երբ աշխատակիցները մատուցում են ծառայություն, որն ավելացնում է ապագա փոխհատուցելի բացակայությունների նրանց իրավունքը: Կուտակվող փոխհատուցելի բացակայությունների գծով ակնկալվող ծախսումները չափվում են այն լրացուցիչ գումարով, որն Ընկերությունն ակնկալում է վճարել որպես հաշվետու ժամանակաշրջանի վերջի դրությամբ կուտակված չօգտագործված իրավունքների արդյունք:

Ընկերությունը պարգևավճարների գծով ակնկալվող ծախսումները ճանաչում է, երբ՝ ա) այն ունի այդպիսի վճարումներ կատարելու ներկա իրավական կամ կառուցողական պարտականություն՝ որպես անցյալ

2020 թվականի ֆինանսական հաշվետվություններին կից ծանոթագրություններ

դեպքերի արդյունք և ք) պարտականությունը կարող է արժանահավատորեն գնահատվել: Ներկա պարտականություն գոյություն ունի այն և միայն այն դեպքում, երբ Ընկերությունը պարտականության կատարումից խուսափելու որևէ իրատեսական հնարավորություն չունի:

4. Գնահատումներ և դատողություններ

ՓՄԿ ՖՀՄՍ-ին համապատասխան ֆինանսական հաշվետվությունների պատրաստումը պահանջում է Ընկերության ղեկավարությունից կատարել գնահատումներ և ենթադրություններ, որոնք ազդում են հաշվապահական հաշվառման քաղաքականության կիրառման, ինչպես նաև հաշվետու ժամանակաշրջանի վերջի դրությամբ ակտիվների, պարտավորությունների և պայմանական պարտավորությունների գումարների վրա և հաշվետու ժամանակաշրջանի եկամուտների ու ծախսերի մեծության վրա: Գնահատումները և դատողությունները շարունակաբար գնահատվում են և հիմնված են ղեկավարության փորձի և այլ գործոնների վրա՝ ներառյալ ապագա իրադարձությունների սպասումները, որոնք ողջամիտ են որոշակի հանգամանքների պարագայում: Այնուամենայնիվ, այս ենթադրությունների և գնահատականների վերաբերյալ անորոշությունը կարող է բերել այնպիսի հետևանքների, որոնք կպահանջեն հետագայում ակտիվների ու պարտավորությունների հաշվեկշռային արժեքների էական փոփոխություններ:

4.1 Հիմնական միջոցների օգտակար ծառայություն

Հիմնական միջոցների օգտակար ծառայության ժամկետի գնահատումը դատողության արդյունք է՝ հիմնված նման ակտիվի հետ կապված փորձի վրա: Ակտիվներում մարմնավորված ապագա տնտեսական օգուտները սպասվում են հիմնականում օգտագործմանը զուգընթաց: Այնուամենայնիվ, այնպիսի գործոններ, ինչպիսիք են տնտեսական, ֆիզիկական կամ տեխնոլոգիական մաշվածությունները, հաճախ հանգեցնում են ակտիվի տնտեսական օգուտների նվազման: Ղեկավարությունը մնացորդային օգտակար ծառայության ժամկետը գնահատում է ակտիվի ընթացիկ տեխնիկական վիճակին համապատասխան և ըստ այն գնահատված ժամանակաշրջանի, որի ընթացքում Ընկերությունը կանխատեսում է ստանալ օգուտներ: Հաշվի են առնված հետևյալ հիմնական գործոնները. ակտիվների կանխատեսվող օգտագործումը, գործառնական գործոններից և պահպանման ու սպասարկման պլաններից կախված՝ մաշվածությունը և շուկայական պայմանների փոփոխություններից առաջացող տեխնիկական և առևտրային մաշվածությունը:

4.2 Ակտիվների արժեքկումը

Յուրաքանչյուր հաշվետու ժամանակաշրջանի համար Ընկերությունը գնահատում է ակտիվների փոխհատուցվող գումարի հաշվեկշռային արժեքից նվազման հայտանիշները: Փոխհատուցվող արժեքն իրենից ներկայացնում է օգտագործման արժեքից և վաճառքի համար անհրաժեշտ ծախսերով նվազեցված ակտիվի իրական արժեքներից մեծագույնը: Եթե հայտնաբերվում են նվազման հայտանիշներ, հաշվեկշռային արժեքը նվազեցվում է մինչև փոխհատուցվող արժեքը: Նվազման չափը հաշվառվում է համապարփակ ֆինանսական արդյունքների մասին հաշվետվությունում այն ժամանակահատվածում, որում նվազումը բացահայտվել է: Եթե պայմանները փոխվում են, և ղեկավարությունը որոշում է, որ ակտիվների արժեքն ավելացել է, արժեքկման պահուստն ամբողջությամբ կամ մասամբ հակադարձվում է:

Ներկայումս գոյություն չունեցող անցյալ պայմանների ազդեցությունը վերացնելու և անցյալում գոյություն չունեցող, բայց ներկայումս առկա պայմանների ազդեցությունն արտացոլելու նպատակով անցյալ փորձը ճշգրտվում է ընթացիկ դիտելի տվյալների հիման վրա:

2020 թվականի ֆինանսական հաշվետվություններին կից ծանոթագրություններ

5. Հիմնական միջոցներ

Հազար դրամ	Շենքեր, կառուցվածքներ	Մեքենաներ և սարքավորումներ	Տրանսպորտային միջոցներ	Տնտեսական և գրասենյակային գույք, գործիքներ	Այլ հիմնական միջոցներ	Ընդամենը
Արժեք						
Մնացորդ առ 01.01.2019թ.	6,209	3,877	47,140	4,556	953	62,735
Ավելացում	-	-	-	3,146	-	3,146
Նվազում	-	-	(2,317)	-	-	(2,317)
Մնացորդ առ 31.12.2019թ.	6,209	3,877	44,823	7,702	953	63,564
Մնացորդ առ 01.01.2020թ.						
Ավելացում	6,209	3,877	44,823	7,702	953	63,564
Նվազում	-	-	7,900	14,558	-	22,458
	-	-	(245)	(34)	-	(279)
Մնացորդ առ 31.12.2020թ.	6,209	3,877	52,478	22,226	953	85,743
Մաշվածություն						
Մնացորդ առ 01.01.2019թ.	2,512	3,877	14,543	2,734	953	24,619
Տարվա մաշվածություն	202	-	4,314	1,025	-	5,541
Նվազում	-	-	(2,317)	-	-	(2,317)
Մնացորդ առ 31.12.2019թ.	2,714	3,877	16,540	3,759	953	27,843
Մնացորդ առ 01.01.2020թ.	2,714	3,877	16,540	3,759	953	27,843
Տարվա մաշվածություն	204	-	4,399	1,912	-	6,515
Նվազում	-	-	(158)	(34)	-	(192)
Մնացորդ առ 31.12.2020թ.	2,918	3,877	20,781	5,637	953	34,166
Հաշվեկշռային արժեք						
Առ 31.12.2019թ.	3,495	-	28,283	3,943	-	35,721
Առ 31.12.2020թ.	3,291	-	31,697	16,589	-	51,577

2020թ. դեկտեմբերի 31-ի դրությամբ Ընկերությունը չի ունեցել գրավադրված ակտիվներ (2019թ. դեկտեմբերի 31-ի դրությամբ նույնպես):

6. Երկարաժամկետ փոխառություններ

Փոխառությունները տրամադրված են կապակցված կողմերին (տե՛ս ծան. 21.3): Երկարաժամկետ փոխառությունները տրամադրվել են Ընկերության սեփականատիրոջը անտոկոս (մինչև 3 տարի ժամկետով), չափահովված: Ենթակա են մարման 31 դեկտեմբերի 2022 թ.: Սկզբնապես ճանաչվել են իրական արժեքով, որն հաշվարկվել է ապագա դրամական հոսքերը շուկայական տոկոսադրույքով (9%) գեղջելու միջոցով: Սկզբնական չափման գումարի և անվանական գումարի միջև տարբերությունը ճանաչվել է սեփական կապիտալում՝ չբաշխված շահույթում: Նույն կերպ ճանաչվել է դրա հետ կապված հետաձգված հարկը: Այնուհետև հաշվառվել են ամորտիզացված արժեքով՝ արդյունքային տոկոսադրույքի մեթոդով:

2020 թվականի ֆինանսական հաշվետվություններին կից ծանոթագրություններ

7. Հետաձգված հարկային ակտիվներ և պարտավորություններ

(i) Ճանաչված հետաձգված հարկային ակտիվներ և պարտավորություններ

Հետաձգված հարկային ակտիվները և պարտավորությունները կապված են ստորև նշվածների հետ.

Հազար դրամ	Ակտիվներ		Պարտավորություններ		Զուտ	
	31.12.20թ.	31.12.19թ. (Աուդիտի չենթարկված)	31.12.20թ.	31.12.19թ. (Աուդիտի չենթարկված)	31.12.20թ.	31.12.19թ. (Աուդիտի չենթարկված)
Առևտրական դեբիտորական պարտքեր	6,749	5,286	-	-	6,749	5,286
Տրված փոխառություններ	8,724	12,207	-	-	8,724	12,207
Արձակուրդայինի պահուստ	2,683	2,597	-	-	2,683	2,597
Զուտ հարկային ակտիվ (պարտավորություն)	18,156	20,090	-	-	18,156	20,090

(ii) Փոփոխություններ ժամանակավոր փարբերություններում փարվա ընթացքում

Հազար դրամ	01.01.19թ. (Աուդիտի չենթարկված)	2019թ. ճանաչված		31.12.19թ. (Աուդիտի չենթարկված)
		Սեփական կապիտալում	Շահույթում կամ վնասում	
Առևտրական դեբիտորական պարտքեր	-	-	5,286	5,286
Տրված փոխառություններ	-	16,126	(3,919)	12,207
Արձակուրդայինի պահուստ	-	-	2,597	2,597
Ընդամենը	-	16,126	3,964	20,090

Հազար դրամ	01.01.20թ. (Աուդիտի չենթարկված)	2020թ. ճանաչված		31.12.20թ.
		Սեփական կապիտալում	Շահույթում կամ վնասում	
Առևտրական դեբիտորական պարտքեր	5,286	-	1,463	6,749
Տրված փոխառություններ	12,207	619	(4,102)	8,724
Արձակուրդայինի պահուստ	2,597	-	86	2,683
Ընդամենը	20,090	619	(2,553)	18,156

8. Պաշարներ

Հազար դրամ	Առ 31.12.2020թ.	Առ 31.12.2019թ. (Աուդիտի չենթարկված)
Ապրանքների պահեստում	417,118	358,464
Ապրանքներ մանրածախ վաճառակետում	40,548	43,734
Վառելիք և պահեստամասեր	636	-
Այլ	110	-
Ընդամենը	458,412	402,198

2020 թվականի ֆինանսական հաշվետվություններին կից ծանոթագրություններ

Հաշվետու տարվա ընթացքում որպես ծախս ճանաչված պաշարների արժեքը կազմել է 3,648,244 հազար դրամ (2019թ.՝ 4,308,261 հազար դրամ):

Պաշարների սեփականության իրավունքի սահմանափակումներ չկան:

9. Տրված ընթացիկ կանխավճարներ

Այս հոդվածում ներառված են ապրանքների և ծառայությունների համար տրված ընթացիկ կանխավճարները, որոնք հաշվանցվում են հաջորդող ժամանակաշրջանում կատարված աշխատանքների դիմաց վճարվելիք գումարներից:

10. Առևտրական դեբիտորական պարտքեր

Առևտրական դեբիտորական պարտքերը իրենից ներկայանցնում է վաճառքի գծով դեբիտորական պարտքերը, որոնք ենթակա են մարման 30-60 օրվա ընթացքում:

2020թ-ի դեկտեմբերի 31-ի դրությամբ ժամկետանց, անհուսալի կամ արժեզրկված դեբիտորական պարտքերի գծով պահուստը կազմել է 37,493 հազ << դրամ (2019թ-ի դեկտեմբերի 31-ի դրությամբ՝ 29,366):

	Առ 31.12.2020թ.	Առ 31.12.2019թ. (Աուդիտի չենթարկված)
Հազար դրամ		
Համախառն դեբիտորական պարտքը	1,572,967	1,258,420
Արժեզրկված դեբիտորական պարտք	(37,493)	(29,366)
Զուտ դեբիտորական պարտքը	1,535,474	1,229,054

11. Դրամական միջոցներ և ոչ դրամային գործարքներ

	Առ 31.12.2020թ.	Առ 31.12.2019թ. (Աուդիտի չենթարկված)
Հազար դրամ		
Բանկային հաշիվներ՝ ՀՀ դրամով	33,778	14,913
Բանկային հաշիվներ՝ արտարժույթով	128,417	3
Դրամարկղ՝ ՀՀ դրամով	463,278	313,433
Դրամական միջոցների համարժեքներ	1,435	95,410
Ընդամենը	626,908	423,759

12. Կանոնադրական կապիտալ

Ընկերության հայտարարված, թողարկված և լրիվ վճարված կանոնադրական կապիտալն առ 31 դեկտեմբերի 2020թ. կազմում է 100 հազար դրամ, որը կազմված է 1 բաժնեմասերից՝ 100,000 (հարյուր հազար) ՀՀ դրամ անվանական արժեքներով: Հաշվետու տարում կանոնադրական կապիտալի փոփոխություն տեղի չի ունեցել:

13. Կարճաժամկետ և երկարաժամկետ վարկեր

Կարճաժամկետ վարկերը իրենից ներկայացնում է վարկային պայմանագրով ստացված առավելագույնը 10 տարով և մինչև 5,000,000 հազ. ՀՀ դրամ վարկային գծի կամ օվերդրաֆթի հնարավորության՝ տվյալ ամսաթվի դրությամբ օգտագործված և չմարված մասը:

Երկարաժամկետ վարկերը իրենից ներկայացնում է 250,000 հազ. ՀՀ դրամ վարկային սահմանաչափը՝ տարեկան 11% անվանական տոկոսադրույքով՝ մինչև 17 հուլիսի 2022թ. մարման ժամկետով, որի համար հաշվառված տոկոսագումարները՝ 12,299 հազ. ՀՀ դրամ սուբսիդավորվում են ՀՀ կառավարության 2020թ-ի մարտի 26-ի թիվ 355-Լ որոշման և 2020թ-ի մայիսի 12-ի թիվ 725-Լ որոշմամբ դրա փոփոխությամբ նախատեսված «Կորոնավիրուսի տնտեսական հետևանքների չեզոքացման առաջին միջոցառման» ծրագրի շրջանանկներում:

2020 թվականի ֆինանսական հաշվետվություններին կից ծանոթագրություններ

14. Առևտրական և այլ կրեդիտորական պարտքեր

Առևտրական և այլ կրեդիտորական պարտքերն առավելապես վերաբերում են ՀՀ տարածքում ձեռք բերված ապրանքների և ստացված ծառայությունների դիմաց մատակարարներին վճարման ենթակա գումարներին: Առևտրական կրեդիտորական պարտքերը ենթակա են մարման 30-365 օրվա ընթացքում:

Հազար դրամ	Առ 31.12.2020թ.	Առ 31.12.2019թ. (Աուդիտի չենթարկված)
Առևտրական կրեդիտորական պարտքեր, այդ թվում՝		
Ապրանքների մատակարարման դիմաց	933,664	855,822
Ծառայությունների մատուցման դիմաց	20,892	26,137
Այլ գնումների գծով	2,940	2,669
Ընդամենը	957,496	884,628

15. Հասույթ

Հազար դրամ	2020թ.	2019թ. (Աուդիտի չենթարկված)
Ապրանքների վաճառքից	4,712,805	5,630,260
Մատուցված գույվազդային ծառայություններից	130,267	150,085
Ընդամենը	4,843,072	5,780,345

16. Վարչական և այլ ընդհանուր ծախսեր

Հազար դրամ	2020թ.	2019թ. (Աուդիտի չենթարկված)
Աշխատակիցների կարճաժամկետ հատուցումներ	277,970	172,913
Գործուղման ծախսեր	15,451	7,401
Հիմնական միջոցների մաշվածություն և ամորտիզացիա	5,285	5,426
Ապահովագրության գծով ծախսեր	1,622	697
Չփոխհատուցվող հարկեր	15,790	15,000
Գրասենյակային և կոմունալ ծախսեր	4,774	6,606
Փոստի և հեռահաղորդակցության ծախսեր	6,816	6,300
Վարձակալություն	3,120	3,120
Վառելիք և պահեստամասեր	11,894	12,761
Այլ	3,794	3,062
Ընդամենը	346,516	233,286

17. Իրացման ծախսեր

Հազար դրամ	2020թ.	2019թ. (Աուդիտի չենթարկված)
Աշխատակիցների կարճաժամկետ հատուցումներ	147,453	101,590
Մարքեթինգի գծով ծախսեր	116,636	113,472
Բեռնափոխադրման ծախսեր	32,500	35
Վառելիքի և պահեստամասերի ծախսումներ	1,729	30,295
Հիմնական միջոցների մաշվածություն և ամորտիզացիա	1,613	463
Այլ	847	928
Ընդամենը	300,778	246,783

2020 թվականի ֆինանսական հաշվետվություններին կից ծանոթագրություններ

18. Շահութահարկի գծով ծախս

Հազար դրամ

	2020թ.	2019թ. (Աուդիտի չենթարկված)
Ընթացիկ շահութահարկի գծով ծախս	91,660	186,915
Հետաձգված հարկի գծով ծախս (եկամուտ)՝ կապված ժամանակավոր տարբերությունների առաջացման և մարման հետ (Ծանոթ. 7)	2,553	(3,964)
	<u>94,213</u>	<u>182,951</u>

Ընկերության հարկվող շահույթի նկատմամբ կիրառվող հարկի դրույքը 18% է (2019թ.՝ 20%, սակայն հետաձգված հարկային ակտիվների և պարտավորությունների չափման նպատակով կիրառվել է 18% դրույքը):

Շահութահարկի փաստացի (արդյունքային) փոկոսադրույքի համապարասխանեցում.

Հազար դրամ

	2020թ.	%	2019թ.	%
Շահույթ՝ նախքան հարկումը	585,452		901,402	
Շահութահարկ՝ հարկի կիրառվող դրույքաչափով	105,381	18.0%	180,280	20.0
Ձուտ չնվազեցվող ծախսեր (չհարկվող եկամուտներ)	(11,168)	(1.9%)	2,671	0.3%
	<u>94,213</u>	<u>16.1%</u>	<u>182,951</u>	<u>20.3%</u>

19. Այլ եկամուտներ/(ծախսեր)

Հազար դրամ

	2020թ.	2019թ. (Աուդիտի չենթարկված)
Հետաձգված և այլ հարկերի ուղղումից եկամուտներ/(ծախսեր)	27,733	(55,721)
Մարքեթինգային նպատակներով ստացված անհատույց ապրանքներից եկամուտներ	2,497	-
COVID 19-ով պայմանավորված պետական աջակցության շրջանակում վարկի տոկոսների սուբսիդավորումից եկամուտներ	12,299	-
Արժեզրկված դեբիտորական պարտքի գծով պահուստի ծախս	(8,127)	(29,366)
Այլ ծախսեր	(2,067)	(5,154)
Ոչ ընթացիկ ակտիվների օտարումից օգուտ /(կորուստ)	80	125
Այլ եկամուտներ	13,356	16,034
Ընդամենը այլ եկամուտներ (ծախսեր)	<u>45,771</u>	<u>(74,082)</u>

20. Գործառնական վարձակալություն

Հաշվետու ամսաթվի դրությամբ Ընկերությունն ունի վարձակալած շենքեր:

2020թ. ընթացքում որպես ծախս ճանաչված վարձակալական վճարները կազմել են 3,120 հազար դրամ (2019թ.՝ 3,120 հազար դրամ): Պայմանական վարձավճարներ և ենթավարձակալություններ չկան:

Չեղյալ չհայտարարվող վարձավճարները 2020թ-ի դեկտեմբերի 31-ի դրությամբ կազմել են 1,560 հազ. ՀՀ դրամ:

Ստացված վարձակալությունները կարող են դադարեցվել վարձատուի կամ վարձակալի նախաձեռնությամբ՝ մեկ ամիս առաջ մյուս կողմին ծանուցելով:

2020 թվականի ֆինանսական հաշվետվություններին կից ծանոթագրություններ

21. Կապակցված կողմերի հետ գործարքներ

21.1 Վերահսկողության փոխհարաբերություն

Ընկերությունը մայր ընկերություն չունի: Ընկերության մասնակիցը թվով 1 ֆիզիկական անձ է (Ծանոթ. 1):

21.2 Ղեկավարության հատուցումները

Ընկերության առանցքային անձնակազմի գծով հատուցումները հետևյալն են.

Հազար դրամ	2020թ.	2019թ. (Աուդիտի չենթարկված)
Աշխատակիցների կարճաժամկետ հատուցումներ	68,353	34,192
	68,353	34,192

21.3 Գործարքներ այլ կապակցված կողմերի հետ

Հազար դրամ	Գործարքի գումար 2020թ.	Գործարքի գումար 2019թ.	Չմարված մնացորդ 2020թ.	Չմարված մնացորդ 2019թ.
<i>Ընկերությանը կապակցված կողմերի հետ՝</i>				
Տրված փոխառություններ	15,521	192,000	313,000	297,479
Վճարված շահաբաժիններ	33,580	221,346	-	261,854
Տրամադրված երաշխիքներ	-	391,400	391,400	391,400
Ապրանքների գնում	820,908	941,133	252,590	203,842
Ստացված վարձակալություններ	1,680	1,680	-	-

22. Պայմանական դեպքեր

22.1 Դաբական գործեր

2020թ. դեկտեմբերի 31-ի դրությամբ Ընկերության դեմ հարուցված կամ Ընկերության կողմից հարուցված դատական գործեր չեն եղել:

22.2 Երաշխավորություններ

2020թ. դեկտեմբերի 31-ի դրությամբ Ընկերությունը չի ունեցել տրամադրված երաշխավորություններ (2019թ. դեկտեմբերի 31-ի դրությամբ նույնպես): 2020թ. դեկտեմբերի 31-ի դրությամբ Ընկերությունը ունեցել է ստացված երաշխավորություններ ընկերության մասնակցից՝ անշարժ գույքի, ինչպես նաև անձնական երաշխավորության տեսքով (տե՛ս Ծան. 21.3):


22.3 Ապահովագրություն

Ապահովագրությունը ՀՀ-ում համեմատաբար նոր է և դեռ զարգացման փուլում է գտնվում, և ապահովագրության շատ ձևեր դեռ հասանելի չեն: Ընկերությունն ամբողջովին ապահովագրված չէ իր գործունեության ընդհատման կամ էական կրճատման համար, երրորդ անձանց հանդեպ հնարավոր պարտավորությունների գծով՝ կապված հնարավոր միջադեպերի արդյունքում գույքային, բնապահպանական կամ առողջական վնասների հետ: Քանի դեռ Ընկերությունը համապատասխան ապահովագրական պաշտպանություն ձեռք չի բերել, առկա է ռիսկ, որ որոշ ակտիվների վնասումը կամ պարտավորությունների առաջացումը կարող է էական բացասական ազդեցություն ունենալ Ընկերության գործունեության և ֆինանսական վիճակի վրա:

22.4 Հարկային անորոշություններ

Հարկային համակարգը ՀՀ-ում աչքի է ընկնում օրենսդրական հաճախակի փոփոխություններով, պաշտոնական պարզաբանումներով, որոնք երբեմն անհստակ են, հակասական կամ տարընթերցումների տեղիք սվող: Հարկային մարմինները կարող են ստուգել Ընկերության հարկային հաշվարկներն ու հայտարարագրերը և իրավունք ունեն սույժ-սուզանքներ նշանակելու:

Նշված հանգամանքները կարող են առաջացնել նշանակալի հարկային ռիսկեր: Ընկերության ղեկավարությունը վստահ է, որ իր հարկային պարտավորությունները հաշվարկել է պատշաճ կերպով՝ հիմնվելով ՀՀ հարկային օրենսդրության, հարկային հարաբերություններ կարգավորող այլ իրավական ակտերի՝ իր մեկնաբանության վրա: Այնուամենայնիվ, հարկային մարմինների մեկնաբանությունները կարող են տարբերվել սույն ֆինանսական հաշվետվությունները պատրաստելիս հիմք ընդունած մեկնաբանություններից, և, եթե հարկային մարմինները կարողանան պարտադրել իրենց մեկնաբանությունները, ապա դրանց ազդեցությունը կարող է նշանակալի լինել:


Տնօրեն
Տիգրան Ղազարյան




Գլխավոր հաշվապահ
Իննա Օհանյան